

## Billet signé d'Anne de Bretagne, 1488, AA 3/23

---

*En marge :*

*16 7bre [septembre] 1488*

De par la duchesse

Nos bien amez et féaulx, vous scavez le deceix avenu du duc n[ot]re tres redoubté sr et père que Dieu absolle qui nous est, et a tout le pais, dure chose à porter, fors le reconfort de sa très belle fin. En son vivant, peu de temps avant son deceix, eut troicté de paix avec le Roy, lequel par avant son deceix me commanda tenir que suys délibéré de faire, mais pour ce que en iceluy traicté ni aucuns permits et promesses qui restent estre acomplies tant de la part du Roy que de nous. En actendant les estas de n[ot]red[it] pais, lesquels avons mandez, vous prions et néanmoins mandons que promptement et en toute diligence vous chouaissisez tant de gens d'église, gens de conseil que bourgeois, jucques au n[om]bre de seix bons personaiges des plus notables et scavans de n[ot]re ville de Rennes pour venir devers nous. Car en délibération de ce que sommes tenuz faire touchant led[it] troicté et autres nos affaires, désirons avoir voz conseilz et avis comme de ceulx en qui avons seurté et qui tousjours ont esté à nos prédécesseurs et au bien de leur pais bons et loyaulx subjetz et que espérons que soyez envers nous. Et à tant soyten Dieu qui nos bien amez et féaulx vous veille préserver et tenir en sa garde. Escript a Guérande le XVIe jour de septembre.

—

Anne